



ᐅᓄᓄᓄᓄ ᐅᓄᓄᓄᓄ ᐅᓄᓄᓄᓄᓄᓄ
Building *Nunavut* Together
Nunavut iuqatigiingniq
Bâtir le *Nunavut* ensemble

Kavamatkunnin Tuhaqtitaudjutikhaq

Aunnaangnikkut Halumanirmik Ublua 2021

Aullaqtirvia Ublua: Qiqaijarluarvia 28, 2021

Nutqarvikhaa Ublua: Qiqaijarluarvia 28, 2021

Nunavunmi-tamaanun

45 sec

May 28 Aunnaangnikkut Halumanirmik Ublua, ubluq niplirvikhat talvuuna aunnaangnikkut halumanirmik imaalu amigaigjuumiplugit pivikhangit arnat aunnaangnikkut atuqtakhainik nunarjuami. Ublumi, Havagviat Aanniaqtailinirmut uqautijait Nunavunmiut anginiqarnianik aunnaangnikkut halumanirmik imaalu aunnangnikkut iliharnirmik naunaijakhugit ajuqhautigivaktainik arnarutiut aunnaaktitlutik.

Nunarjuami, hamanilu Nunavunmi, pikhaqarluangittut akiliruminaqtunik arnat aunnaangnikkut atuqtakhainik ajuqhautauvaktuq arnaruttinut aunnaangnikkut halumanirmik imaalu pittarutikhainik arnat atuqtakhamingnik aunnaaktitlutik hivuuranaaittumik. Taimaatutlu amigaaittut arnat kanguhukpaktut uqautigijumangittugu aunnaalirangamik. Aunnaangnikkut inuuhiringanarnik anginiqaqtuq tamainnut inuuhiringnarnirmut! Arnat aunnaangniq ilaujuq inuuhirmi atopagat arnat tamarmik imaalu anginiqaqtuq uqautigijami timivut.

Nunavunmi, nunallaat havapaktut ikajurahuaghugit arnat aunnaangnikkut atuqtakhainik imaalu ilihautikhat hailijakhainik arnarutinut ihariahukpata. Nunallaani Munaqhitkunni Kivgaujut ilihautjivaktut arnarutit inuuhuktutlu timait aallanguqtilirangata inirringuqpalliaiqitut imaalu nuliarnikkut aanniaqtailitikanik tamaini nunavunmi ihuatqijamiklu ikajuutikhainik pivikhainik arnat aunnaangnikkut atuqtakhainik nunamingni munaqhiqarvingmit.

Tamapta ikajurumajugut ikiglinahuarutikanik kangunarnianik aunnangnikkut imaalu uqaudjaujukhat ajuqhautikhaniklu uqaqatigingnirmik inuuqatiptingnut inuuhiptingni aunnaakpaktunutlu. Aallanik naunaittiarumaguvit tapkuninga aunnaangnikkut, arnarutit inuuhuktutlu timait aallanguqtilirangata, imaaluuniit nuliarnikkut aanniaqtailiniq, takulugu una www.irespectmyself.ca uqarvigiluguluuniit nunangni Nunallami Munaqhit Ikajuqtia.

###

Tuhaqtipkainikkut Uqaqvigiyahaq:

Danarae Sommerville
Tuhaqtipkainirmut Ajuittiaqhimajuq
Munaqhiliqiyitkut
867-975-5712
dsommerville1@gov.nu.ca

ᐱᓄᓕᓕᓕᓕᓕ ᓂᓕᓕᓕᓕᓕᓕᓕᓕᓕ ᐱᓕᓕᓕᓕᓕᓕᓕᓕᓕᓕ ᐱᓕᓕᓕᓕᓕᓕᓕᓕᓕᓕᓕ, ᓕᓕᓕᓕᓕᓕᓕᓕᓕ, ᐱᓕᓕᓕᓕᓕᓕᓕᓕᓕᓕᓕᓕᓕᓕᓕᓕᓕᓕᓕᓕᓕ, www.gov.nu.ca.
News releases are available in Inuktitut, English, Inuinnaqtun and French on www.gov.nu.ca.
Tuhaqtakhat ittut Inuktitut, Qablunaatitut, Inuinnaqtun Uiviititullu talvani www.gov.nu.ca.
Les communiqués de presse sont disponibles en inuktitut, en anglais, en inuinnaqtun et en français au www.gov.nu.ca.

Tuhaqtipkainikkut